



KANTON SARAJEVO

24-03-2023

Broj: 14-02-04-00079/23
Sarajevo, Mart 22. 2023. godine

SKUPŠTINA KANTONA SARAJEVO
(Na pažnju predsjedavajućeg Elvedina Okerića)

PREDMET: Informacija, **dostavlja se;**

VEZA: Zastupnička inicijativa zastupnika Avdić Samira, broj: 01-04-51520-37/22 od 28.12.2022. godine

Poštovani,

U skladu sa Vašim aktom broj i datum veze, zaprimljen dana 06.01.2023.godine, a koji se tiče zastupničke inicijative zastupnika Samira Avdića sa Prve sjednice Skupštine Kantona Sarajevo, održane 28.12.2022. godine, a koja se odnosi na "nelegano eksploatisanje riječnog pijeska (šljunka) na više lokacija u koritu rijeke Željeznice" te "nivelisanje tla koje je podrazumijevalo popunjavanje ogromnih depresija zemljištem koje preostane prilikom različitih građevinskih radova" uz naglasak "da se radi o 1. vodozaštitnoj zoni u kojoj se nalaze bunari iz kojih se vodom snabdjeva ogroman broj građana i građanki Kantona Sarajevo", obzirom da su po predmetnoj inicijativi postupala tri kantonalna inspektora Kantonalne uprave za inspekcijske poslove Kantona Sarajevo, i to: kantonalni vodni inspektor u Inspektoratu za poljoprivrednu, vodnu i šumarsku inspekciju, kantonalni komunalni inspektor u Inspektoratu komunalne inspekcije, zaštite prirode, zaštite dobara baštine i inspekcije za sport i kantonalni inspektor zaštite okoliša u Inspektoratu urbanističko-građevinske, stambene i ekološke inspekcije, dostavljamo vam objedinjenu informaciju:

Nakon izvršenog inspekcijskog nadzora od strane kantonalnog vodnog inspektora u Inspektoratu za poljoprivrednu, vodnu i šumarsku inspekciju utvrđeno je da je rijeka Željeznica shodno članu 5. Zakona o vodama ("Službene novine F BiH"; broj: 70/06) razvrstana u vode I kategorije. Sa izvorišta "Sokolovići" se putem četiri bunara zahvata voda u količini do 300 litara u sekundi.

Shodno članu 183. a u vezi sa članom 139. Zakona o vodama ("Službene novine F BiH"; broj:70/06) kontrola vađenja materijala iz vodotoka I kategorije i kontrola zahvatanja vode u količini većoj od 10 litara u sekundi je u nadležnosti federalne vodne inspekcije.

Prilikom vršenja inspekcijskih radnji na utvrđivanju činjeničnog stanja, a u okviru zakona, drugih propisa i nadležnosti utvrđenih propisima Kantona Sarajevo, kantonalni komunalni inspektor u Inspektoratu komunalne inspekcije, zaštite prirode, zaštite dobara baštine i inspekcije za sport utvrdio je da je Odjel komunalnih redara i kontrole KJKP „RAD“ Sarajevo, koji vrše neposrednu

zaštitu komunalne čistoće, shodno odredbama Zakona o komunalnoj čistoći („Sl.novine Kantona Sarajevo“, br.14/16, 19/17, 20/18 i 22/19), postupajući po službenoj dužnosti, izvršio dana 14.06.2022.godine, neposrednu kontrolu na lokalitetu vodozaštitne zone u Sokolović koloniji, općina Ilidža.

Prilikom kontrole uočeno je intenzivno dovoženje i deponovanje zemlje teretnim m/v privrednog društva Mevludin Commerc d.o.o.Sarajevo, na predmetnoj lokaciji. Dizanje prašine prilikom kretanja teretnih m/v pristupnim makadamskim putem je minimalno, dok je asfaltna saobraćajnica kod Mosta Spasa na koju se uključuju teretna m/v, u momentu kontrole bila čista.

O prednjem je sačinjen zapisnik sa direktorom firme Mevludin Commerc d.o.o.Sarajevo, koji je izjavio sljedeće:

Nasipanje čiste zemlje na predmetnoj lokaciji vrši se na osnovu odobrenja Općinskog načelnika Općine Ilidža pod brojem:02-19-4139/20 od 16.09.2020.godine, na osnovu saglasnosti Federalne uprave za inspekcijske poslove, Inspektorata vodne inspekcije, pod brojem:01-05-13-05958/19 od 04.09.2020.godine, a sve u svrhu nivelacije terena, pripreme terena za izgradnju moderne saobraćajnice i šetališta na potezu Sokolović kolonija-Vojkovići.

Priloženim odobrenjem Općinskog načelnika Općine Ilidža broj 02-19-4139/20 od 16.09.2020.godine, daje se odobrenje privrednom društvu Mevludin Commerc d.o.o.Sarajevo, ul. Zeleni put br.39, za nasipanje i nivelaciju terena sa zemljom iz iskopa i neopasnim građevinskim otpadom na potezu uzvodno od Mosta Spasa prema Vojkovićima (sa lijeve strane rijeke Željeznice), općina Ilidža, u cilju pripreme terena za izgradnju obaloutvrde i buduće moderne saobraćajnice od značaja za lokalnu zajednicu, u sklopu aktivnosti Općine Ilidža na pripremi i uređenju lijeve i desne obale rijeke Željeznice, u saradnji sa Agencijom za vodno područje rijeke Save Sarajevo. Općina Ilidža će putem svojih Službi izvršiti obilježavanje granica vodnog dobra i odrediti mjesto gdje se može vršiti kontrolisano deponovanje zemljanog materijala.

S obzirom da je predmet upravne stvari nasipanje zemlje iz iskopa u svrhu nivelacije terena, pripreme terena za izgradnju obaloutvrde, saobraćajnice i šetališta na potezu od Mosta Spasa prema Vojkovićima (sa lijeve strane rijeke Željeznice), na području općine Ilidža, dakle zahvati u prostoru kojima se uređuje ili mijenja stanje u prostoru /pripremi radovi/, da je Općinski načelnik Općine Ilidža izdao odobrenje za nasipanje i nivelaciju terena na predmetnoj lokaciji privrednom društvu Mevludin Commerc d.o.o.Sarajevo, kojim se zadužuje nadležna Služba Općine Ilidža da izvrši obilježavanje granica vodnog dobra i odredi lokaciju kontrolisanog deponovanja zemljanog materijala, Kantonalna uprava za inspekcijske poslove Kantona Sarajevo, aktom broj:UP-1-14-14/03-19.5-15198/22 od 12.10.2022.godine, dostavila je predmetnu informaciju kantonalnog komunalnog inspektora, Službi za inspekcijske poslove Općine Ilidža, na dalji postupak i nadležnost, shodno primjeni odredaba člana 147. stav (3) Zakona o prostornom uređenju Kantona Sarajevo („Sl.novine Kantona Sarajevo“, br.24/17 i 01/18), kojima su propisane nadležnosti i ovlaštenja općinskog urbanističko-građevinskog inspektora.

Postupajući u istoj upravnoj stvari, kantonalni komunalni inspektor je shodno odredbama Zakona o komunalnim djelatnostima („Sl.novine Kantona Sarajevo“, br.14/16, 43/16, 10/17-ispravka, 19/17, 20/18 i 22/19), u cilju zaštite javnog interesa u komunalnim djelatnostima, aktom broj:UP-1-14-14/03-19.5-00149/23 od 17.01.2023.godine, uputio zahtjev za postupanjem i dostavom informacije KJKP "RAD" Sarajevo, Odjel komunalnih redara i kontrole, vezano za vršenje neposredne kontrole na lokalitetu I vodozaštitne zone, u blizini korita rijeke Željeznice (Sokolović kolonija), polje od Mosta Spasa, lijeva obala.

KJKP“RAD“d.o.o.Sarajevo, svojim aktom br:01-05-04-2473/23 od 01.02.2023.god. izvijestili su ovaj Inspektorat sljedeće:

U periodu 2020.godine - 2022.godine uposlenici Odjela komunalnih redara i kontrole KJKP“RAD“d.o.o.Sarajevo, kontinuirano su vršili kontrolu održavanja komunalne čistoće na lokalitetu vodozaštitne zone „Sokolovići“ na području Općine Ilidža, vezano za dovoz i deponovanje zemljanog materijala sa posebnom pažnjom prilikom kontrole eventualnog dovoza i deponovanja drugog otpada kao što je građevinski, komunalni i drugi otpad na predmetnom lokalitetu.

Neposrednom kontrolom na licu mjesta, komunalni redari su dana 26.01.2023.godine konstatovali da nema novog odlaganja zemljanog materijala na predmetnom lokalitetu, od strane privrednog društva Mevludin Commerc d.o.o.Sarajevo sa sjedištem u ul.Zeleni put br.39, Ilidža. O utvrđenom činjeničnom stanju sačinjena je službena zabilješka broj:11-033-14/23 od 26.01.2023.godine.

Kantonalni inspektor zaštite okoliša u Inspektoratu urbanističko-građevinske, stambene i ekološke inspekcije, iz nadležnosti inspekcije zaštite okoliša, a vezano za odredbe Zakona o zaštiti okoliša ("Sl. novine Federacije BiH", broj 15/21), Zakona o upravljanju otpadom (" Sl. novine Federacije BiH", br. 33/03, 72/09 i 92/17) i Pravilnika o upravljanju građevinskim otpadom ("Sl. novine Federacije BiH", broj 93/19) je dana 25.01.2023. godine izvršio inspekcijski nadzor na licu mjesta i obzirom da je površina bila prekrivena snijegom, nije bilo moguće utvrditi o kojoj vrsti otpada se na predmetnoj lokaciji radi. Takođe, nije zatečeno vršenje bilo kakvih aktivnosti.

Uzimajući u obzir vremenske uslove, dana 17.02. i 22.03.2023. godine je izvršen ponovni obilazak, na lokaciji je konstatovana veća količina zemlje iz iskopa, bez prisustva ostalog građevinskog otpada definisanog kao otpad Pravilnikom o građevinskom otpadu ("Sl. novine F BiH", broj 93/19) i nisu zatečeni kamioni, kao ni vršenje bilo kakvih aktivnosti.

Policijskoj upravi Ilidža, u skladu sa članom 107. Zakona inspekcijama Kantona Sarajevo ("Sl. novine Kantona Sarajevo", br. 2/17), upućena je informacija o navedenom, te je zatraženo da ukoliko prilikom obavljanja aktivnosti iz nadležnosti policije uoče deponovanje otpada, o istom obavijeste ovu inspekciju.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

V.D. DIREKTOR

Adis Mesic

